




12228

增廣高僧詩



附錄諸賢酬贈詩

進退格寄張功甫姜堯章

楊萬里 廷秀

九蕭范陸四詩翁此後誰當第一功
新拜南湖爲上將更牽白石作先鋒
可憐公等俱癡絕不見詞人到老窮
謝遣管城儂已晚酒泉端欲乞移封

題堯章新成草堂

周文璞 晉仙

早將心事付漁樵若被幽人苦見招
多種竹

諸賢酬贈詩

讀畫齋正本

將挑筍喫旋栽松待斫柴燒壁閒
古畫身都碎架上枯琴尾半焦猶有住
山窮活計仙經盈卷一村瓢

姜堯章金塗佛塔歌

前人

白石招我入書齋使我速禮金塗塔
我疑此塔非世有白石云是錢王禁中物
上作如來捨身相飢鷹餓虎紛相向
拈起靈山受記時龍天帝釋應惆悵
形模遠自流沙至鑄出今回更精緻
錢王納土歸京師流落多在西湖

寺錢王本是英雄人白蓮花現國主身蛇鄉
虎落狗脚朕何如紅袍玉帶稱功臣天封圻
開卽退聽兩浙不聞笳鼓競歸來佛子作護
持太師尚父尚書令一枚傳到白石生生今
但有能詩聲同袍秦外銘師兄哦詩禮塔作
佛事同喫地罽山芋羹何曾薰陸綺牀供但
見相輪銅綠明哦詩禮塔猶未畢蘆葉低飛
山雨溼

弔堯章

前人

諸賢酬贈詩

二讀畫齋正本

相逢蕭寺已纍然自詠離騷講太元極目舊
遊惟白石傷心孤冢只蒼煙兒從外舍收殘
藁客向空山泣斷猿帝所修文與張樂魂兮
應是到鈞天

和堯章九日送菊二首

王

炎

胸叔

對花懶舉玉東西孤負金錢滿綠枝短鬢不
堪重落帽枯腸何可強搜詩

花品若將人品較此花風味似吾儒秋英餐
罷含清思曾有離騷續筆無

題堯章舊遊詩卷

前人

出郭栽花涉小園歸調琴譜輯詩編少年豪
健今孳斂休羨騎鯨李謫仙

臘中得雪快晴成古風呈堯章銘老

前人

蒼頭熟睡喚不鷹光射紙窗疑月明更籌可
數夜方半牖上一雞先誤鳴曉起飛花堆戶
外幻出人閒無色界九街車馬不知寒蹴踖
銀杯翻縞帶杲杲日升東海東須與光彩蒸
霞紅不憂桂玉頓增價人在沖融和氣中貝
闕珠宮五雲際遙知天上龍顏喜麥畦白白
覆青青農事年來定豐美

清明日訪白石不值

葛天民

無懷

花薺懸燈柳拂簷老懷那得似餽甜畫船已
載先生去燕子無人自入簾

重訪白石

前人

長安惟白石與我最相關每到難逢面翻思
懶下山欲歸愁路永小住待君還盡日看幽

桂無人似我閒

六月一日與堯章泛湖 前人

六月西湖帶雨山小舟終日傍鷗閒風煙如
許關情甚賓主相推下語難幾點送君歸大
雅一涼今夜滿長安江湖遠思知多少歸去
風前各倚闌

續附

足姜句

蘇 迴 召叟

那知身百歲未辦屋三閒見客慵開口逢僧

諸賢酬贈詩

四讀畫齋正本

託買山喜無他志願幸不碍清閒社燕秋鴻
裏人生各有還

金陵百詠 第三十
三首

白石鄙姜病更貧幾年白下往來頻歌詞翦
就能哀怨未必劉郎是後身

寄白石姜堯章

稽山却棹酒船回冷水灣頭兩意開一路有
詩吟不穩當時悔不共君來

寄堯章并簡鈞老

山繞樓臺水接天
袈裟同上闍門船
相思一夜梅花落
儻有人來寄短篇

寄堯章

聞似礪溪隱姓名
阿鬟仍是許飛瓊
涼風昨夜驚新鴈
想見吹簫月又明

憶堯章

數月書齋懶出門
眼看世事但紛紛
長安豈是無相識
除却西湖但憶君

夢堯章桂花下

諸賢酬贈詩

五讀畫齋正本

撲鼻清香兩絕詩
分明參到小山辭
如今獨自秋風下
不似當初竝馬時

到馬陸哭堯章

初聞訃告一場悲
寫盡心肝在挽詞
今日親來見靈柩
對君妻子但如癡

南宮垂上鬢星星
畢竟襴衫不冝青
除却樂書誰殉葬
一琴一劍一蘭亭

花按空空但滿塵
樂章起草徧窗身
孺人侍妾相持泣
安得君歸更肅賓

兒年十七未更事曷日文章能世家賴是小
紅渠已嫁不然啼碎馬塍花

右十一詩從冷然齋集補錄

乾隆乙巳六月十四日知不足齋續錄

諸賢酬贈詩

六讀書齋正本

增廣 聖宋高僧詩選前集 錢唐陳起編

希晝十八首

寄題武當郡守吏隱亭

郡亭傳吏隱閒自使君心卷幕知來客懸燈見
宿禽茶煙逢石斷碁響入花深會逐南帆便乘
秋寄此吟

送信南歸鴈蕩山

千峯鄰積水秋勢遠相依路在深雲裏人思絕
頂歸長天來月正危木度猿稀誰得同無念寥

僧甲

一讀畫齋正本

寥此掩扉

懷廣南轉運陳學士狀元

極望隨南斗迢迢思欲迷春生桂嶺外人在海
門西殘日依山盡長天向水低遙知仙館夢夜
夜怯猿啼

書惠崇師房

詩名在四方獨此寄閒房故國一作寒濤闊春

城夜夢長禽聲沈遠木花影動回廊幾爲分題
客殷勤掃石牀

斷碑

片玉侵寒折零文見斷蟲遠沈岡草際半路壟
冰中跡著人何在年銷事已空唯聞壞陵柏相
吊起悲風

寄懷古

見說鵬陰僻人煙半雜羌秋深邊日短風勁曉
笳長樹勢分孤壘河流出遠荒遙知林下客吟
苦夜禪忘

留題承旨宋侍郎林亭

僧甲

二讀畫齋正本

翰苑營嘉致到來山意深會茶多野客啼竹半
沙禽雪溜懸危石碁燈射遠林言詩素非苦虛
荅侍臣心

送嗣端東歸

遠念生泉石人中事欲銷卷衣城木落尋寺海
山遙帆影迷寒鴈經聲隱暮潮後期俱未定況
我鬢先凋

寄河陽察推駱員外

郡齋鄰少室夏木冷垂陰況是多閒日應懸長

卧心角當中島起橋背遠橋沈獨愛南樓月終
期宿此吟

送惟鳳之終南山

關內寒生早南山萬木凋長空人望絕積雪獨
尋遙靜息非同隱閒吟忽背樵幾侵峯頂月相
念起中宵

寄壽春使君陳學士

三處波濤郡連年輟謝公春齋山藥徧夜舶海
書通樓潤星河露川寒鼓角風誰當刊惠政一

僧自

三讀畫齋正本

一古賢同

送從律之關中

西游無舊識何處寄吟身客路秦關暮鄉心海
樹春河濤行不盡嶽翠望空新早晚回孤錫東
浮結近鄰

寄荅桂府黃殿院

桂水在天末登高生遠思來書逢歲闕去夢歷
峯危別浦珠全返空臺柏半衰詩成見新月幾
負郡齋期

送可倫赴廣南轉運使君見招

別語畏殘漏心懸瘴海邊
回期無定日去路極遙天
苦霧沈山郭寒沙漲隰田
幾宵尋使府清話廢閒眠

早春闕下寄觀公

客心長念隱早晚解書招
看月前期阻論山靜會遙
微陽生遠道殘雪下中宵
坐見青門柳依依又結條

送李堪

僧甲

四讀畫齋正本

要地無深託飄然又出關
秋聲動羣木暮色起千山
岸草隨秋遠江雲入望閒
何宵發孤詠月冷洞庭閒

送朱展

別業滄波外秋風歸去心
玉繩天闕遠金柝海城深
素瑟沈幽意寒蟹共苦吟
鄰漁知有約乘月夜相尋

過巴峽

遠望知無極窮秋日向殘
孤泉瀉空白衆木倚

雲寒靜想猿啼苦危聞客過難寸心寧可寄前
去雪漫漫

保暹二十五首

江行

渺渺沈清際回頭望卽賒幽禽飛共闊野客泛
無涯浦暗微分樹灘遙半漲沙今宵應有月重
得宿蘆花

寄從弟

天外跡如萍何人慰遠情煙霄滯秋薦水國廢
僧甲

五讀畫齋正本

春耕旅夢寒應斷吟髭白恐生無因話消息一
鴈度江城

金陵懷古

石城秋月滿煙水冷蕭蕭戰氣悲千古歌聲散
六朝螢飛宮草暗霜白井桐凋竟日秦淮上思
賢莫可招

秋徑

杉竹青陰合閒行意有憑涼生初過雨靜極忽
歸僧蟲跡穿幽穴苔痕接斷稜翻思深隱處峯

頂下層層

宿宇昭師房

與我難忘舊多期宿此房眠雲歸未得靜夜話
空長草際沈螢影杉西露月光天明共無寐南
去水茫茫

途次望太行山

盤影遮空黑愁生入望賒高來難客路深去斷
人家翠死寒溪水香殘別洞花今宵何處宿山
口日將斜

僧甲

六讀畫齋正本

書惟鳳師壁

草徑通深院秋來心更閒城中無舊識門外是
他山究寂生吟思持齋得病顏寒宵多約我靜
話出人閒

石席

有狀卷不得閒齋惜夜長坐來消暑氣睡去入
秋鄉隱隱生寒骨沈沈發冷光何時遂深遁移
取置山房

重登文兆師水閣

重來久凭欄臨水景多閒高樹下殘照寒潮平
遠山夜吟長負宿秋病幾思閒早晚離城裏從
茲寄掩關

寄徐任

鄉園書久斷寒夜起歸心遠路秦關外啼猿劍
樹深貧遊年暗改醉卧月空沈幾夕踈林下相
思廢靜吟

送簡上人之洛陽

閒身無所滯獨去背春城望越鄉心斷迎嵩隱
思生野禪依樹遠中飯傍泉清相府如投刺分
題有竺卿

寄白閣元貞

一聞歸白閣更不入長安絕頂無人上西風徹
夜寒懸崖乘雪度飛瀑過雲看應念馳名者青
門得路難

老僧

鬢毛垂似雪無語荅閒人擁衲坐終日浮生知
幾春乘船應夢越提錫記遊秦半夜寒堂掩磬

聲聞四鄰

登蕪城古臺

無處堪高望城邊上古臺窮
秋人獨立落日鴈空回地險千峯出
霜巖萬木摧遲吟不能下滿眼是塵埃

寄行肇上人

舊隱湖西寺青青千萬峯
來書度深雪歸夢斷疎鐘開口與時避一作背論心似我慵
流年共衰鬢昨夜又聞蛩

僧甲

八讀畫齋止本

送蔣白歸越

會稽連照水歸意兩何親
山影到平地湖光生四鄰
虛牕寒對曉孤棹遠浮春
未可從耕釣青雲懶致身

書派河徐希秀才別業

渺渺渡頭路客心難解攜
半空山遠近寒日水東西
漾浦漁簷小飛沙鴈陣低
霜風起深夜只是欠猿啼

秋居言懷

默默疎林下，獨知秋氣濃。
半生猶是客，昨夜更聞蛩。
吟苦人成癖，年衰自長慵。
終期拂衣去，江上有諸峯。

早秋閒寄字昭

牕虛枕簟明，微覺早涼生。
深院無人語，長松滴雨聲。
詩來禪外得，愁入靜中平。
遠念西林下，相思合慰情。

憶松江

曾向長洲泛渺漫，沈青空闊鳥飛難。
平沙杳杳

僧甲

九讀書齋正本

夜潮落別浦，依依秋樹寒。
閒浸客亭浮，去棹冷淹漁屋漾。
垂竿歸心早，晚懸帆到是處。
僧樓更上看。

寄洪州新建知縣張康

遠聽弦歌樂部封，放衙乘醉半踈慵。
家辭南越無千里，縣管西山有幾峯。
人望廢田禾影合，吏愁空獄蘚痕重。
孺亭應更悲前事，煙草萋萋叫夜蛩。

磻溪

不肖隨波自直鉤一朝以道佐成周後來亦有人於此只把漁竿空白頭

送人自闕下歸天柱

卻歸天柱峯前去高謝浮名似了心林下孤燈一聲磬青猿啼斷白雲深

巴江秋夕

巴水寒聲去渺茫半空雲樹落秋光離人此夜和愁宿不聽啼猿亦斷腸

書杭州西湖涉公堂

僧用

十讀畫齋正本

孤舟孤鶴與孤雲湖上深居自不羣高卧可能容一榻青山西岸且平分

文兆十三首

幽圃

遠與村橋接深春積雨時蘭芳人未採花發蝶先知草密封閒徑林踈露短籬別來鋤久廢身老恨歸遲

江上書懷寄希晝

扁舟宿江上脈脈興何窮吳楚十年客蒹葭一

夜風東林秋信斷南越石房空
向此都忘寐君應與我同

弔屈原呈王內翰

抱清誰可羣委質在湘濱
今日不同楚無人更似君
滄波沈夜魄古廟聚寒雲
弔罷踟躕處漁歌忍獨聞

寄行肇上人

詩禪同所尚邂逅在長安
爲客閒相似趨時嬾一般
分題秋閣迴對坐夜堂寒
未遂歸山計流

僧甲

十二讀書齋正本

年鬢已乾

送史館李學士任和州

事主惟公直承恩赴歷陽
舟浮淮水遠路遶楚山長
館謁僧侵月郊迎吏蹋霜
下車難久滯飛詔卽徵黃

寄保暹師

近聞高靜趣猶寄廣陵居
夜會聽琴阻秋期看月疎
幾成歸越夢久絕入梁書
四釋分題處年來一榻虛

巴峽聞猿

倚棹望雲際寥寥出峽清心如無一事愁不在
三聲帶露諸峯迴懸空片月明何人同此聽徹
曉得詩成

送字昭師

相見又相別無言感倍興諸峯微下雪一路獨
行僧午飯煙村磬宵吟石屋燈他方人請住又
得繼南能

莎庭

僧甲

十二讀書齋正本

苒苒從莎長淒涼雨乍晴窮秋閒客步落日亂
蛩鳴近接苔堦迴遙連竹徑平杖痕兼鶴跡來
往自縱橫

送惟鳳師之終南

終南關內見寒翠疊空虛明代誰招隱深秋自
卜居宵晴吟洞月日曉飯溪蔬此後嫌名出應
無入闕書

宿西山精舍

西山乘興宿靜稱寂寥心一徑杉松老三更雨

雪深草堂僧語息雲閣磬聲沈未遂長棲此雙
峯曉待尋

送簡長師之洛

動靜非常態超然西去心水期經洛聽雲約到
嵩吟齋訪煙村遠禪依竹寺深祇應風雅道相
府是知音

贈天柱山所禪老

幾年天柱居韜光外浮世禪心混沌先詩思雲
霞際山雪滌茶鑪谿泉濯祖毳富德鄙利徒貴
道輕權勢竹牖晴長開松扉夜不閉霜嚴庭樹
萎雨暴龕燈翳紅葉過寒燒白頭逢暖剃終期
爲近鄰清話素相契

行肇十六首

中秋對月

暮雨過寥廓江天正青蒼列樹無殘陰積水有
異光幽蟲鳴欲徧宿鳥驚忽翔永夜
鑑
我吟清章

聽宇昭師琴

遙空雨初霽深徑蟬未鳴忽品文王弦若聽宣
尼聲月色半峯出秋光四簷清韻斷意轉冥塵
心若爲情

湘江有感上王內翰

達士弦性直佞人膠辭柔靳尚一言巧靈均千
古愁孤蟾魄長在寒雲恨難收空使湘江水至
今無濁流

送希晝之九華

忽起塵外心跡謝人中境雲去竹堂空鷺下秋

僧甲

十四讀晝齋正本

池靜野宿清溪深月在諸峯頂日暮立長江遙
看片帆影

卧病吟

杉窻秋氣深入夜四簷雨枕冷夢忽醒獨對孤
燈語流螢隱回廊驚鴻度寒渚空令一寸心悠
悠生萬縷

送惟鳳之衡陽

重城獨隱居世人寡相識回塘路寂寥深徑花
狼籍西風思忽生南泉語還憶遙山去意長大

江歸夢直日暮立荒原迢迢望空碧

泛若耶溪

霽雨牽野情孤舟遂茲賞積水連遠空落日垂
萬象岸迴雲獨隨山轉泉更響望望極寒源由
言放輕槳

送從律師西遊

蟄鱗伺新春望極融融歸驚禽別舊巢念遠遲
遲飛吁君腹至業歲故志獨違心弦世寡聽意
鑑古亦稀出關自荷篋入秦扣誰扉埃目若忽
失風雨遠漸微將看吐虹章冷射仙掌輝

僧甲

五言古詩卷五

寄終南种徵君

紫閣浮清漢高眠稱此心住溪人未識歸路鶴
知深峯晚迴寒翠猿孤發夜吟霜天獨西向無
復夢山陰

送簡師南遊

古岸侵煙出揚帆拂曙星層城關海日列樹隱
沙汀潮落家遙見梅香檝暫停舊峯歸計晚長
憶隔吳青

郊居吟

靜室簾孤捲幽光墜露多徑寒杉影轉窻晚雪
聲過茗味沙泉合鑪香竹靄和遙懷起深一作風雨
夕舊寺隔滄波

送懷古師歸蜀

山落雲陽外去程寒接巴劔江連漢直棧閣挂
空斜聽錫樵停斧窺禪鳥立槎舊房春到晚深
徑始開花

送文兆歸廬山

僧目

去讀畫齋正本

劔峯雙倚漢蕩粲月中歸潮白島西出帆孤岸
際飛香連潭影直磬度雪聲微幾夕 詩坐相
思入定稀

酬贈夢眞上人

禪舍因吟往晴來坐徹宵春通三徑晚家別九
江遙巢重禽初宿窻明葉旋飄住期應未定謝
守有詩招青社凌史君以詩見招

送蒲奉禮之鄞江

官舍仙山裏全家去若歸江聲鼉背出帆影斗

邊飛宿館荷香接吟亭島色圍前秋賞明月沉

對謝玄暉

兼簡典郡太原史君

送文光上人西遊

高木墜殘霖關河入遠心嵩遊忘楚夢華近識
秦音塔古懸圖認碑荒背燒尋幾思興替事獨
上灞陵吟

簡長十七首

夜感

無眠動歸心寒燈坐將滅長恐浮雲生奪我西

僧甲

十七讀畫齋正本

窻月

懷盧叔微

病起啟秋匣素琴生塵埃朱弦愁零落古意空
徘徊子期不我至獨上高高臺

贈峽山清倫師

褰衣汲靈水混滌巾履塵煙靄霽杉竹澄凝此
心神高僧灑眞雨澤彼寒草春華月寫空印清
霜蕭齋身猶言振金策歸作耶溪鄰

步春謠

春景欲饒物客心獨優柔藉茲徘徊芳疆起寂
寞遊新愁來易積舊歡去難收步春不得侶不
如步高秋

送方仲荀

行客心如何借劍爲君歌雨昏山未開花盡春
無多欲知貧別情義淚空滂沱

晚次江陵

楚路接江陵倦行愁問程異鄉無舊識多難足
離情落日懸秋樹寒蕪上廢城前山不可望斷

僧甲

大讀畫齋正本

續暮猿聲

書行肇師壁

禪徑秋苔合寒窻帶雨痕心眞冥自契句好與
誰論露冷蛩聲咽風微葉影翻白雲如有意終
日在前軒

寄丁學士

想極南溟外江園草樹秋浮生如寄夢幾夕是
離愁仙館閒明月星車背遠流祇應西掖吏時
復望滄洲

李氏山莊畱別

鶴筆輕冠冕誰人不羨君松齋秋掩月石竇醉
眠雲遠墅窳煙合寒原驛路分前行鞭瘦馬餘
恨暫離羣

贈郝禮丞

住近城西寺門無俗客登朝回簾捲雪吟冷硯
生冰鳥影罇中過茶煙竹際凝遙思來夜月虛
閣與誰凭

感王太守見訪

僧甲

九讀畫齋正本

行春擁隼旗十里訪禪居煮茗沙泉白調琴竹
閣虛致君公望重對客宦情疎向夕回軒冕林
僧識佩魚

宿許山人別業

嵐霽景初分溪橋對石門犬聲知遠客燒影見
前村古木秋生菌空山夜荅猿幾因畱我宿靜
話極詩源

送僧南歸

漸老念鄉國先歸獨羨君吳山全接漢江樹半

藏雲振錫林煙斷添瓶澗月分重樓上方夜孤
狄雪中間

送居壽師西遊

迢遰咸秦路東風送子遊幾程看日落孤影背
河流古戍煙微斂遙峯雨半收行行吟此景應
不念滄洲

送行禪師

南國山重疊歸心向石門寄禪依鳥道絕食過
漁村楚雪黏餅凍江沙濺衲昏白雲深隱處枕

僧甲

子讀書齋正本

上海濤翻

送僧遊五臺山

五峯橫絕漢寒翠倚蒼冥積雪無煩暑高杉礙
落星積雲簷外見邊角坐中聽師到棲禪夜龍
湫獨灌餅

暮春言懷寄浙東轉運黃工部

花落前林春又殘舍深蒼蘚擁柴關十年霜雪
獨爲客萬里夢魂空到山溪竹舊憐同性直嶺
雲終約伴身閒遙思謝傅多公暇應徧畱題水

石間

惟鳳十三首

與行肇師宿廬山棲賢寺

冰瀑寒侵室圍鑪靜話長詩心全大雅祖意會
諸方磬斷危杉月燈殘古塔霜無眠向遙夕又
約去衡陽

送史館李學士任和州

歷陽南望極岸遠石城危去夢驚潮斷行吟見
鴈隨淮帆向風闊楚木落秋遲到日應閒卧公

僧甲

三讀畫齋正本

心帝自知

荅字昭師

要地無閒日吟蹤肯暫過林泉歸計晚雨雪向
春多徑僻稀來客庭荒半長莎獨眠思舊約寒
夢遶煙蘿

寄登封宰韓殿丞

前秋登閣晚吟次見晴雲中嶽聳當縣三年靜
對君朱衣借客典清俸買書分別後逢搖落相
思隔晉汾

送陳彖處士

草長開路微離思更依依
家遠知琴在時清買
劍歸孤城回短角獨樹
隔殘輝別有鄰漁約相
迎掃釣磯

寄希書

關中吟鬢改多事與心違
客路逢人少家書入
闕稀秋聲落晚木夜魄
透寒衣幾想林閒社他
年許共歸

畱題河中柴給事望雲亭

僧甲

三讀畫齋正本

郡閒思退隱嘉致望雲秋
舊客容誰訪新詩許
我畱基窻寒日短琴幌
夜燈幽青瑣無歸夢期
僧話沃洲

秋燈

耿耿銷深暗孤窻豈暫忘
照回秋夢斷靜引夜
吟長病鼠驚空穴寒螢
聚缺牆鄰居還其惜及
物有餘光

寄昭文館陳學士

秋深荒外客獨上望京臺
遠信未封去新鴻又

見來地寒邊樹短天靜瘴雲開無限心相向南
宮卧錦才

送徐涉南歸

長安來鴈急相顧話離心日落思家遠天寒歸
路深秋光生獨樹夕吹響孤砧漸入雲鄉望應
無越客吟

弔長禪師

霜鍾侵漏急相弔曉悲濃海客傳遺偈林僧寫
病容漱泉流落葉定石集鳴蛩回首雲門望殘

僧甲

聖蹟畫齋正本

陽下遠峯

寄北上人

久負中條約深秋興若何白雲歸望遠黃葉意
空多靜卧侵仙掌微吟隔楚波飛書荅招隱迢
遞寄煙蘿

姑射山詩題曾山人壁

東西望朔漠姑射獨崔嵬一片兩片雲終南太
華來根繞黃河曲影落清渭隈深澗飲渴虹遂
洞生秋雷古徑窮難盡晴嵐撥不開海鵬飛上

遲邊風勁觸回傲隱非他古依靈有奇才會生
心若何猿聲終夜哀

惠崇十一首

訪楊雲師淮上別墅

地近得頻到相攜向野亭河分岡勢斷春入燒
痕青望久人收釣吟餘鶴振翎不愁歸路晚明
月上前汀

塞上贈王太尉

飛將是嫖姚行營已近遼河冰堅度馬塞雪密

僧甲

玉西讀書齋正本

藏鷗敗虜殘旗在全軍列帳遙傳呼更號令今
夜取天驕

贈文兆

偶依京寺住誰復得相尋獨鶴窺朝講鄰僧聽
夜琴注瓶沙井遠鳴磬雪房深久與松蘿別空
懸王屋心

送安學士守睦州

白浪滿遙程公衙 聲海帆通夜市山雨徧
春耕古意隨琴遠離愁對酒輕三吳窺列宿知

傍隼旗明

贈吳黔山人

三年不下岳衣屨古苔侵石澗探幽步風泉得
句心黃猿知日暝青樹覺春深又向南峯住時
時許我尋

晚夏夜簡程至

中夕坐清簟繁星時復流扇聲微變暑井氣忽
生秋爲客方經楚思鄉欲上樓雲山殊未返相
顧兩悠悠

僧甲

玉五讀畫齋正本

書林逸人壁

詩語動驚衆誰知慕隱淪水煙常似暝林雪乍
如春薄酒懶邀客好書愁借人有時行藥去忘
卻戴紗巾

古塞曲

邊烽久不息戍鼓何鑿鑿五月無青草滂沱流
斷冰胡兒昧形勝漢騎恣憑陵出號朔風起受
降沙壘崩樓煩已納款天意 威稜歸佩封侯
印喧然世所稱

剡中秋懷晝師

秋生剡江濱清氣日泱泱雲歸樹欲無潮落山
疑長偶坐還獨謠故人在遐想夕景孤嶼明暗
蟲四鄰響神會如目存安知途路廣

擬古

幽禽迎曙響佳木含春榮獨有綺窻婦耿耿萬
里情塵色皓鴛幌日華明風箏高蓋久不返中
宵自懷貞

中夜起

僧甲

天讀畫齋正本

初月不到曉夜色何冥冥獨立秋江上風波卷
寒星

字昭十二首

夕陽

向夕江天迥微微接水平帶帆歸極浦隨客上
荒城雲外僧看落山西鳥過明何人對幽景萬
萬敗沙并

塞上贈王太尉

嫋姚立大勳萬里絕妖氛馬放降來地鷗閒戰

後雲月侵孤壘沒燒徹遠蕪分不慣爲邊客宵
笳懶欲聞

宿丁學士宅朱巖希晝不至

幽期不可見牢落望君情坐久詩源寂談餘井
浪平月依寒木盡蛩背冷燈鳴空聽溝西寺宵
鍾出禁清

廢井

古院無僧住荒涼樹石閒停汗寒螿缺廢汲遠
泉慳雨漲蛙疑聚宵晴月自還因尋成獨感吟

僧甲

毛讀畫齋正本

遶見衰顏

送曹商之宿州兼簡駱偃

病起春城暮行心暗結愁全吳無舊業半世祇
羈遊島霧沈晴樹汀煙入夜舟故人應老大佐
幕久淹流

寄保暹師

吟會失秋期荒山寄病時客髭生白早叢木落
青遲渴狄窺莎井陰蟲占菊籬歸心何以見霜
月下天涯

上集賢錢侍郎

解職因求養清名冠集賢優遊書府裏談笑板
輿前鶴警朝時脫山圖卧處懸江僧閒獨訪時
得話林泉

喜惟鳳師關中回

孤錫依京寺詩愁上鬢新跡離三輔晚夢落九
江頻草入松根井磬通花外鄰重來知未倦閒
趣自相親

松柄

僧甲

三六讀書齋正本

澗底分貞榦寧將塵尾同坐閒長滴翠話次忽
生風影落孤燈外聲寒靜室中有誰知此意林
下石叢叢

幽居卽事

掃苔人跡外漸老喜深藏路僻閒行遠春晴晝
睡長餘花畱暮蝶幽草戀殘陽盡日空林下孤
禪念石霜

送從律師

病起辭吟社出京無舊房關中行半月詩外祇

空囊白道沿嵩直青燕夾渭長勝遊多杜曲風景似吾鄉

贈魏野

別業唯栽竹多閒亦好奇試泉尋寺遠買鶴到家遲藥就全離母詩高祇教兒未能終住此共有海山期

懷古九首

送田錫下第歸寧

念別孤親久無成萬里歸算程芳草盡去國故

僧甲

元讀畫齋正本

人稀棧閣浮空險刀州入望微前期有公薦莫愧老萊衣

原居早秋

秋生深徑裏老病眼慵開戶外行人絕林閒朔吹回亂蛩鳴古塹殘日照荒臺唯有他山約相親入望來

聞蛩

幽蟲侵暮急斷續苦相親夜魄沈荒壘寒聲出壤鄰霜清空思切秋永幾愁新徒感流年鬢莖

莖暗結銀

寺居寄簡長

雪苑東山寺山深少往還紅塵無夢想白日自
安閒杖履苔花上香燈樹影閒何須更飛錫歸
隱沃洲山

灞陵秋居酬友人見寄

灞陵秋負期獨客自懷悲遠水去無極離人來
幾時暝煙沈古道寒日墮喬枝寄信遙天外殷
勤說白髭

僧甲

草

漠漠更離離閒吟笑復悲六朝爭戰處千載寂
寥時陣闕圍空壘叢疎露斷碑不堪殘照外牧
笛隔煙吹

贈萬年胡主簿

廉可繼懸魚官清術有餘民田侵廢苑公署似
閒居草長通囹圄花飛落簿書見君松操直經
考只如初

爛柯山二首

仙家輕歲月浮世重光陰白髮有先後青山無
古今局終柯已爛塵散海尤深若覓長生路煙
霞無處尋

王質爛柯事傳聞不在疑百年容易客一局等
閒碁此著有誰見無言祇自知石橋南畔路依
舊日斜暉

增廣 聖宋高僧詩選前集

僧甲

三讀畫齋正本

增廣 聖宋高僧詩選後集卷上 陳起宗之編

贊寧三首

夜吟

獨坐閒吟野思清
秋庭蕭索暮煙輕
孤燈欲爇月未上
萬籟寂然蛩一聲

居天柱山

四野豁家庭柴門夜不扃
水邊成半偈月下殘
經雖逐諸塵轉終歸一念醒
未知斯旨者萬役盡勞形

僧后上

一讀畫齋正本

秋日寄人

白鳥行從山背沒
青鷗羣向水湄分
松齋獨坐誰為侶
數片斜飛檻外雲

智仁三首

送何輅歸錢塘兼簡辯端

家指西陵外滄波去幾程
獨行山雪下孤泊
夜潮生問路寒林迴
移舟宿鴈驚到逢天竺客
為話別來情

畱題雲門寺

秦峯千古寺豈易得躋攀一夢幾回到片心長
此閒溪光涵石壁秋色露松關靜室孤禪後寒
鍾夜滿山

暮冬旅宿寄趙秀才

旅宿荒涼甚幽懷可自寬風窻燈易滅雪屋夜
增寒空迴鴻聲急更餘旅夢殘卻思君舊隱欲
到恨飛難

鑒微二首

贈翌上人

僧后上

二讀畫齋正本

京寺別來久高齋近海隅引禪秋磬動照像夜
燈孤愛水開新沼思山挂舊圖他時如結社許
繼遠公無

送淳上人歸故山

舊隱頻闕念秦吳忽倦遊離亭逢落日歸路隔
滄洲苔徧安禪石松侵待月樓重樓上方夜欹
枕瀑聲秋

尚能六首

江行

渺然寒水上四望盡無涯
沙迹迎潮沒天形接海垂
壞衣汀靄溼疎磬葦風吹
今夜猶船宿還應與月期

送簡長師陪黃史君

宣且

歸浙右

相送隨旌旆離情亦萬端
霜洲楓落盡水館月生寒
接話嘗茶徧聯詩坐漏殘
歸期在巖屋郡邸想畱難

送本如上人歸四明

隨緣離舊隱秋後卻思歸
古寺山光滿重城海

僧后一

三讀書齋正本

氣圍道孤愁作客年長重
忘機此去何人見雲根掩
竹扉

送秀登上人

又負空囊出都城難久居
西風隨鴈急寒柳向人疎
野宿燈分燒船齋磬動魚
如逢北來客應寄社中書

京口僧院

沙漠人煙外禪居靜趣多
山遙天接樹江闊日生波
鳴櫓時鄰響征車舊絕過
清風數磬聲磬應

不入漁歌

金山寓居

風霜千里未歸身古跡遲留外俗羣月到天心
當利見濤分山脊在樓聞倚吟老樹栖沙鳥寄
卧虛巖貯海雲唯恐雪晴行興動迢迢楚路與
吳分

子熙四首

浮雲樓

危樓依古堞旦夕生浮雲鳥外千峯出松根一

僧后上

四讀書齋正本

水分窻寒侵樹色地靜長苔紋未盡登臨興紅
塵日又曛

早春經山寺

幽徑草初青賞心雲外行衣穿花露溼瓶貯澗
泉清殘照回峯影微風引磬聲遲留深竹裏拂
石記閒名

送本如上人歸

曉帆開霽色歸興杳無窮潮漲漁磯沒花殘海
樹空靜吟生島月孤泊阻江風此去逢清論何

人與子同

登京口古臺夜望

適意江天外孤吟上古臺海門帆正泊京口鴈
初來露冷蟾輪轉河秋斗柄回故山千里隔歸
思幾悠哉

用文六首

早春懷上國

上國知音在閒門又見春雲中初去鴈天際未
歸人積凍隨風盡羣芳向日新難忘舊遊地一

僧后上

五讀畫齋正本

念一關神

夜吟

吟苦與冥搜更深物象幽直疑雙鬢白應感四
鄰愁猿嘯千岑雪風含萬籟秋無人知此道明
月照層樓

上慧日大師

京寺居來久終年獨掩扉吟餘花落硯定起月
生衣樹隱宮禽迴鍾鄰禁漏微朝賢盡知己休
夢錦城歸

經泗上有寄

秋色動離襟相思寄旅吟
河分隋樹盡路入楚雲深
積水沈孤嶼微陽著遠林
故人不可見何處訪知音

秋夕懷友人

疎林初雨後寂寞寄閒身
凝望有明月相看無故人
寒蛩吟處亂落葉坐來頻
卻恨同懷者迢迢不可親

旅中言懷

僧后上

六讀畫齋正本

舉目無相識離懷聊自傾
道孤諳旅況貧甚見時情
淨社芙蓉老荒齋蟋蟀鳴
終當舊山去免更競浮名

文瑩二首

三生藏

達者性不晦鍊形重入胎
一元眞璞在三指舊山來
流俗見去住法身無往回
昔經行道院香撥一星灰

寶積寺小雨

老木垂紺髮野花翻麴塵明霞送孤鶩僻路少
雙鱗天近易得雨洞深無早春山祇認來客曾
是洞中眞

秀登三首

送小白上人歸華頂

一本云
守恭作

瀑濺安禪石秋雲鎖碧層一峯如卓筆幾日策
孤藤樹偃前朝蓋星輝下界燈超然歸此處心
已契南能

朝海峯

僧居上

七讀畫齋正本

萬仞朝滄海秋層上碧虛峭欹雲盡後寒倚月
生初影落陽侯宅根連覺帝居誰能謝塵迹向
此結茅廬

送貫微歸天台

秋歸赤城寺幽興難相同迹與片雲合心向萬
境空傾耳霜樹猿吹衣瀑布風後夜越溪上夢
斷寒雲中

惠璉七首

客愁

向來春興自不淺老去客愁還復深
半夜蜀禽呼夢破柳風桃雨揔關心

古意

杏花枝頭蛺蝶飛似郎遊冶
忘歸時杏花落盡蛺蝶去郎不歸
來向底嬉

別趙莘老

六言

十里青山照眼一篷疎
雨催詩記取江邊作別
煙村梅子黃時

書叅上人菴

僧后上

入讀畫齋正本

雨餘野禽聲斷續
清陰碧流遶茅屋
道人乞食晚未歸
獨向殘陽淡雲木

野月

野月今宵滿小庭
人共瞻卻愁人去後
殘魄獨窺簷

多雨

盡道春多雨傷摧花易空
不知春態度九在雨
陰中

舟行寒江曲港

揚帆出浦又入浦轉盼順風還逆風蘆葉蕭蕭
兩岸合蓼花細細一川紅鷗兼野鷺衝行棹浪
挾汀沙打卧蓬行李向來吾自決漫將晴雨問
漁翁

惠嚴四首

王庭俊歸清江

沙頭相送意茫然彈指分攜近四年我懶坐銷
閒日月君行經歷幾山川歸無阿堵圍牀下喜
有童烏慰眼前此去清江能幾許莫辭因我少

僧后上

九讀畫齋正本

畱蓮

喜雨

夢回欹枕聽寒更風急虛簷浙瀝聲料得田家
翁媪喜課兒蓑笠待春耕

遊廢圃

亭樹基猶壯笙歌迹已陳竹分通別徑花發屬
南鄰雲散望塵友冰銷炙手人只因忘寵辱到
此不傷神

春雪

食葉蠶聲亂，穿花蝶翅輕。
鴈喧淮賊懼，犬吠越人驚。
妬柳先飛絮，憐梅襯落英。
兒童莫輕掃，畱待月華明。

顯萬九首

捲煙閣

僧屋數椽，巢木末風煙。
日與翠俱浮，自無俗物。
敗人意，況有春江拍岸。
流艇子得魚歸，別浦鳧雛。
傍母睡芳洲，夜晴兔月。
摩雲角翻作廣寒宮殿秋。

僧石上

送炭與湘山西堂惠然師

紛紛向火乞兒多，獨有君如擇乳鵝。
萬煨爐中尋粲可，一堆灰裏撥陰何。
雪欺敗屋閒犀柄，草臥空庭任雀羅。
亟送烏薪相暖熱，恐隨春夢入南柯。

別鶴操

三山邈何許，煙霧如海深。
兩鶴翅相接，意欲棲瑤林。
驚風起中路，沙塵揚夕陰。
哀鳴失儔侶，俛啄何苦心。

曉發山店

蓐食小人家寒燈碎落花雞鳴窻半曉路暗月
西斜世故欺懷抱風霜迫歲華劇憐詩思苦悽
惻向長沙

次喬口

喬口知名久煙沈水國寒受風帆腹飽歇雨櫓
臍乾五渚源流異長沙氣象寬山川濟吾勝待
月倚檣竿

明溪

僧后上

士讀畫齋正本

夏木藏崖塢晴沙抱柳溪茅茨村遠近隴畝路
東西野老連檣語山禽隔竹啼此中風物美吾
欲卜幽棲

元日不出

坐憶湘西野客家詩筒茶竈舊生涯癡雲閣雨
山腰重老樹衝波岸脚斜避繳銜蘆憐鴈陣採
花釀蜜厭蜂衙故溪幸可浮茅屋歸聽崖翁響
釣車

謾興

雨沈飛絮綠陰寒梅子枝頭點點酸心事向來
吟不盡梨花院落一春殘

春日

窗外晴山竹半遮竹根流水細鳴沙小園寂寞
春無賴蝴蝶飛來遶菜花

增廣 聖宋高僧詩選後集卷上

僧后上

十二讀畫齋正本

12228

